

## ADFENT 4

2 SAMUEL 7:1-11, 16; SALM 89:1-4, 19-26;  
LUC 1:46-55; RHUFEINIAID 16:25-27; LUC 1:26-38

---

---

### ● Gweddi agoriadol

Drwy ein haddoli heddiw,  
tyn ni yn nes o hyd,  
ar ein taith Adfent,  
at stabl Bethlehem,  
a disgwyl  
a dathlu.

### ● Moliant

Canwn am byth am dy gariad,  
a chyhoeddi dy ffyddlondeb  
i bob cenhedlaeth,  
achos mae dy air yn ddibynadwy,  
a'th addewid yn ddiogel.

Genir plentyn  
o fewn un genedl  
ar gyfer pob cenedl.  
Datgelir ein Duw ni,  
Mab Dafydd  
wed'i eni yn isel.  
Daw cariad i lawr i'r ddaear  
yn frenin-was,  
yn glwyfadwy.

Canwn byth am dy gariad,  
a chyhoeddi dy ffyddlondeb  
i bob cenhedlaeth,  
achos drwy ras pur  
mae ein hiachawdwriaeth yma.

● **Cyffes**

Wrth i ni ddathlu  
rhodd cariad  
yn y preseb  
a chofio  
i Iesu Grist ddod  
er ein hiachawdwriaeth,  
maddau i ni  
os yw'n calonnau'n oer  
a ffydd ymhell.

Tyn ni nôl at y fam,  
Mair, a gariodd y baban  
a fyddai'n frenin.  
Atgoffa ni  
o'i thynnerwch,  
ei ffyddlondeb  
pan ofynnwyd iddi  
fod yr un fendigaid.  
Drwyddi hi  
y cerddai'r dwyfol  
ar ein daear.  
O! Na allem ymgorffori  
y fath ffydd!

● **Diolch**

Pan ddoi di atom  
mewn sibrwd tyner  
neu wynt nerthol,  
a gofyn yr hyn sy'n swnio'n amhosibl  
i feddyliau dynol,  
fel y gwnest gyda Mair,  
boed i'n hymateb  
beidio â bod yn betrusgar,  
na hel esgusion,  
na rhedeg i ffwrdd,  
ond yn adlais yn hytrach  
o eiriau hardd  
yr ymddiried hwnnw,  
'Dyma forwyn yr Arglwydd;  
cyflawner dy air ynof fi.'

Am ffyddlondeb Mair  
a'i bywyd o wasanaeth  
rhone ddiolch i ti, Arglwydd.